



CCC Meeting Vawi 1-na thukhawm

Chanmari West October 13 : Ni 9.11.2011 (Nilaini) Dar 10:30am khan Central YMA Hall, Tuikhuahtlangah Central Co-ordination Committee (CCC) Meeting neih a ni a, meeting hi Pu T. Sangkunga, President, Central YMA-in a kaihruai a ni

Meeting-ah hian YMA Kumpuan "Ram leh Hnam Humhalh" kaihruaina chungchang, 66th YMA General Conference 2011, Ni 25th-27th, October, 2011 chhunga Kolasib-a neih zawk tak thlirletna neih a ni.

Pu Vanlaluata, GS-in CCC Meeting hmasa 14th September, 2011 leh 9th November 2011 inkara hmalakna hrang hrang report a pe a. Kumpuan "Ram leh Hnam Humhalh" kaihruaina siam turah CCC member an ngaihpawimawh leh kaihruaina-a telh an duhte sawihona neih a ni bawk. CEC Meeting-in 66th YMA General Conference thlirletna a lo neih tawh chhiarchhuakin a sawifiah nghal a, YMA General Conference Kolasib-a neih chu thlirlet a ni.

YMA General Conference thurel bawhzui dan tur chungchang hetiang hian rel a ni :

A. YMA KHAWIH

"Mizoram khawpui hrang hrangah thlanmual intawm (Common Cemetery) kan neih theih nan, "Mizorama Project/Industry ah leh leilung hausakna haichhuah kawngah ram leilung faten a tam thei ang ber hamthatna an dawn theih nan Central YMA-in hma la rawh se", "Mizorama hnamdang dan lova sumdawngte hi YMA hian dapchhuah hna hi tun aia chak zawkin hma la rawh se" tih leh

"Kan rama tuihna humhalh leh a awmsa tihpun zel a nih theih nan Central YMA-in hma la rawh se" tih chu CEC-in lo bawhzui se tih a ni.

B. SORKAR KHAWIH :

1) "Mizoramah zirna a lo that zawk theih nan thingtlang leh khawpuiah rualkhai thei ang berin zirtirtu, Sorkar-in siksawi rawh se" 2) "Tribal hmeichhia Non Tribal pasal neite, an pasalte hnam vuan tura Dan (Supreme Court Ruling) awmsa hi Mizoramah khauh zawkakalpui nise, hnamdang Mizo hminga an hming tlak thinte hi ram leilungfate chanvo humhalh nan Sorkar-in khapna khauh takin siam rawh se" 3) "School Academic Session tuna kan hman mek hi India State dangte tih dan milin April - March-ah tlak turin Dorkar ngen ni rawh se" 4) "Labour Law kan neih ang angte kenkawh kawngah Sorkar-in chak zawka hma la turin Central YMA-in ngen rawh se" tih chu CEC-in lo bawhzui se tih a ni. 5) "Mizoramah hmun remchang chuh a Bawk khawh a khawper din thin hi a awm tawh lohna turin hmalak ni rawh se" tih chu a tul angin CEC-in ruahmanna siamin lo bawhzui ni se tih a ni bawk.

He meeting-ah hian member 178 an kal a, member lo kal khawmte hi Bangladesh, Manipur, Tripura leh Mizoram hmun hrang hrang atanga kal an ni.



ASEP tena Nungcha humhalh tha ber lawmman an siam Chawimawina Nopui kan Br. Fin. Secretary Pu Lalthuamluaia'n a dawng.

Karleh Ni 15.11.2011(Thawhleh) zan khian Branch Executive Committee neih tum a ni.

Ni 9.11.2011 a ASEP ten Nungcha humhalh tha lawmman an semah kan Branch YMA chuan chawimawina Nopui(Dekchi) leh Ciatation kan dawng.

Vengchhung Step rawng hnawihna tur kan hmuh chu hmalak tan a ni a, karleh khi chuan zawk hman beisei a ni.

Chhiatni Fund indaih lohna avanga khawn nawn tum chu, Section hrailtu ten an rawn khawn hunah tlawmngaia lo pe zel turin chhungintene ngen kan ni e.

Zawlbuk sak hna pawh thawh chhunzawm zel a ni a, member hnatlangte chungah lawmthu sawi a ni.

Zawlbuk hnatlangte theitui tumsaktu Pu T.C.Lalhmangaiha, thingpui lumsaktu Pi Rini w/o H.Suana leh hnatlan apianga tui chhawpsaktu Pu Remruata te chungah Br.YMA chuan lawmthu a sawi takzet.

SUNNA

Ni 6.11.2011(Pathianni) zana kan YMA Life Member Pi Parhanchhumi(68) 'T' Section chuan min boralsan a. Chanmari 'W'Br.YMA chuan a uiin a kalsan tak a chhungte a tawrhpu takzet a ni.



TUNKAR CHANGVAWN

Editorial Board**Editor**

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135

Pu Vanlalhluta
9862366308

Tv. Vanlalfawna
9856301975

Cir.Manager

Johny Lalthanpua
9612359161

Jacob Lalrinsanga
9612319779

Production Manager

R.Lalhmachhuana
9436151817

Branch Office Bearer**President**

T.Ngurkhuma
9436190843

Vice President

R.Lalhmachhuana
9436151817

Secretary

RL.Thanhnuna
9436152760

Asst. Secretary

K.Darthantluanga
9436196071

Treasurer

C.Lalzarliana
9436142049

Fin.Secretary

Lalthuamluua
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5

Editorial :**'Khawtlang Nun Siamthat'**

YMA Gen.Conference hman zawh takah khan kuampuan atan 'Ram leh Hnam humhalh' tih chu thlan a ni a. Marawhchu kan khawtlang han en hian kumpuan hmasa zawk 'Khawtlang Nun Siamthat' hi engemaw chen kan la kalpui a ngai tho niin a lang.

'Khawtlang nun siam that' tih hi CYMA kumpuan Mizoram chhung leh pawnna YMA Branch hrang hrang ten kan buaipui tak kha a ni a. He hna ropui leh hautak tak kan thawhna kawngah hian kan rilru put danin kan hnathawhah kawngro nasa tak a su a tih theih awm e. Kan khawtlang nun hi chhe lutuk, zahpui awm leh a tha lai sawi tur pawh awm bar lova kan chhuah a, chu mi siam tha tura kan infuih dawn a nih chuan rin loh lamah a chhe zawngin hna a hawk a ni tih kan hriat reng a pawimawh khawp mai. Kan khawtlang nun hi tuten emaw tawngkam thiam taka a chhe lai lawrkhawm, inphaman nahl taka an han sawi/ziak hi chuan mipui tan a beidawn thlak thei rum rum thin a ni. Thil chhe lutuk tawh, siam that ngaihna awm tawh lo hial khawpa chhe sawp tawh ang hialtea kan inchhuah hian a tha lam aiin a chhe lam zelah kan inhruai thei a ni.

Tuna Mizo khawtlang nun hian tun hma kan pi leh pute nun phak lohna tamtak a nei ang, chu tih laiin hman lai aia san zawkna leh chungnun zawkna pawh kan nei theuh ang. Kan khawvel a in ang tawh lo va, kan khaw hawi pawh a inzauh hleih tawh a ni. Hetiang dinhmun in ang lo tak mai hi kan insualtir a, kan inchaltauhtr a nih chuan keimah ni hi a buai tur leh a tuartu tur chu kan ni. Kan khawtlang nun hi chhe lailet der a ni lo va, chhiat lam pan mek, a siam that awlsam hun lai tak a ni tih hriain i thlahthlam mai lo ang u.

Article :**RUIHHLO DO**

(Kumpuan ah nei lo mah ila a pawimawh)

- Dinga 'T'

Mizoram Presbyterian Kohhran Inkawmpui lian ber dawttu Presbytery inkawmpui hman zawh taka thurel hrang hrang zingah Zu leh Ruih theih thil dang do kawngah nasa zawka tanlaka a tul anga YMA thawhpui dan synod-in ngaihtuah se, tihte pawh a tel a ni a. YMA General Conference lo awm tur Agenda-ah hian Kum puan tur rawtna hrang hrang zingah 'Ruihhlo do' tih pawh a tel ve leh bawk a. Marawhchu kan hriat angin thu a kal lut ta lo nge thlan tur pahnih zinga pakhat zawk Ram leh hnam humhalh tih chu kumpuan ah neih a ni ta zawk a ni.

YMA-in Ruihhlo do kum an puang tawh a, Zu leh ruih theih thil dang dangte a tawmimin a zalen lo hle a, man leh thubuai siamsak pawh tamtak an awm a. Chu tih laiin a dotute lam atangin eng emaw chet hleihluakna leh nunna hial inlaksaknate a awm bawk a. YMA-in ruihhlo do kum puana a han neih loh chuan ruihtheih thil chi hrang hrangte chu a rawn pawng leh ta tial tial tih hi hai rual a ni lo. YMA Ruihhlo do kha sawiselna leh fakna pawh atam hle a, chu tiang karah chuan YMA chuan an kum puan a nih angin an kal hmiah hmiah a. Sawiselna leh demna hrang hrang pawh an tuar nasa hle a ni.

Hmasawnna leh thil tha lo inher chhuak tur hian dem leh sawisel hi a hlawh duh khawp mai. Hei hi chu Khawvel huapa thil thleng a ni a, keini ramah pawh a thleng ve thin a, a lo la thleng zel ang. Ruihhlo do pawh thil tul leh pawimawh, khawvel pawhin a kalpui lai reng a ni a. A tuar nasa apiang tan do nat leh insenso pawh a ngai thin a ni. Keini pawh a tuar nasatuah kan tang a, a do tura tha thawh nasat leh insemsa pawh huam lehzual turte zinga mi kan ni. Tunah chuan Kohhran inkawmpui hial pawhin Agenda-ah neihin an passed tawh a, YMA leh Kohhran thawhho dan turte thlengin ngaihtuahna a awm mek a ni.

Beihpui thlak tur hi chuan thawhona tha hi thil pawimawh tak a ni reng a. Thawhona tha a awm loh chuan ruahhmanntha tak pawh hi tih puitlin lohvin a awm fo thin. Tunah hian YMA hian Ruihhlo do kum hi a puang leh dawn nge thil dang a puang dawn tih kan hre lo va, khawmpui thu thu a ni a. A enga pawh hi kum puanah neih, a hlawhlinna atana pawimawh tur chu thawhona tha tho a ni. Kan ram

dinhmun kil hrang hrang atanga thlirin ruihhlo-in min tihchhiat nasat dan leh min tihbuai nasat dan hi kan hre theuh a. sawi thui a ngai lo. Sorkar chakna te leh pawlho chakna hrang hrang ruihhlo kan dona kawnga hlawk ber nia lang chu Kum puan kha niin a lang. Thil dangah pawh kum puan hi kan uarin sawt pawh kan sawtpui em em thin a. Heng aia hlawk lehzuala kum puan hi hman tangkai lehzual theih dante pawh a awmin alang a. Ram pum huap thila inzirtirna ngai leh nawr kan duh ang chiah hi chuan pawh hrang hrangte hi tangrual zel ila. Kuminah YMA-in khawmpua ruihhlo do kum apuan tak loh ah chuan KTP/TKP-te, MHIP, MUP, MZP leh kum puang thin dang zawng zawngte hi chuan kum puan dang nei lovin, 'Ruihhlo do kum'-ah puang ta veck sela, kil hrang hrang atanga kan hmalakna chuan awmzia a nei lehzual ngeii a rinawm. Kum puan chungchanga Co-ordination Committee fel takte pawh siamin kum dang zel atana kumpuan hmanga thawhona turte pawh a ngaihtuah zel theih dawn a ni.

Ruihhlo do kum hi puanglo pawh ni ila, ruihhlo do hi kan thlahthlam thei lo, kan hma lawkah hunpui a lo inher chhuak leh dawn. Kan do loh chuan a tlawm zawkah kan tang ngei ngei dawn a ni. Chuvangin ruihhlo do hi kan tih ngei ngei tur a ni. Ruihhlo kan tihin a huam tur chinte pawh bitlhiah fel taka siam a pawimawh ang. Khaw hrang hrang leh veng hrang hrang ruihhlo huam chin a in an loh zung chuan eng emaw ho te vangin thawhona a chhe thei a ni. Kum kan puang emaw puang lo emaw ruihhlo do tur hian Mizo mipuite hi eng lai pawha kan in peih a, kan inhuam a, kan chet chhuah hi a ngai a ni.

CHAWNGBAWLA

Section Committee vawi 8-na chu ni 11.11.11 zan khan Pu Hrangbuka inah an nei a, thu pawimawh tak tak an rel.

Zawlbulk Fund chu khawnzawh thawkhat a ni tawh a, Branch a sum thehluh zat hi `1,00,850/- a ni. Section thawh tur atan hian ` 95,000/- Branch Committee chuan a rawn tuk a, hei hi tun dinhmunah ` 5,850/- in khum a ni, tlem la luh belh leh tura beisei a ni. Zawlbulk Fund phal taka thawhtu zawng zawngte chungah Section Committee chuan lawmthu a sawi a ni.

Branch Committee thuchhuak angin, chhungkaw tinah Chhiatni Fund `50/- aia tlem lo khawn a ni dawn a, Section nu leh paten kan indaihlohnah te min hriathiam saka, an khawn hunah phal taka pe turin an ngen. Bial vawngtutten a hma lama Chhiatni Fund hi khawn theih nise, ni 27.11.2011 hma ngei a Section Fin. Secy hnenah thehluh tur a ni.

Tun dinhmunah Section-in sum a kawl zat chu `11,131/- a ni.

Member pum huap Section hnatiang neih thuai a ni dawn a, he hunah hian Section bungrua enfel leh siamthat ngai lai te siam that a ni ang. A hun tur hi chu information Mike-ah rawn puan a bi ang.

Section Committee chuan heng mite chuangah hian lawmthu a sawi- Pu R. Thansanga te chhung, an ni hian kuang siam thingpui an lum sak thin avangin, Pu Lalnunthara Sailo, a ni hian kum tam tak chhung Kros-ah mithi hming a ziah sak thin avangin leh Pu K. Lalthakima, a ni hian kuang siam nan a hmunhma leh bungrua leh tha a thaw thin avangin.

TAITESENA

Ni 10.11.2011(Ninga) zingkar khan Faina Hnatlang neih a ni a, hnatiang thawkchhuak zawng zawng chungah lawmthu an sawi.

Ni 6.11.2011(Pathianni) zan khan Pi Parthanchhumi (68), Life Member chuavangin a boral a. A kalsan tak a tu leh fate an tuarpui hle.

Chhiatni Fund khawn mek a ni a, chhughtinte thahnemngai taka lo pe tuin an in ngen..

(T-Section Report chhunzawmna)

Memberte hnena hriattirna:- Branch Committee in rem min tihsak angin Ni 2.12.2011(Zirtawp) hian Liando Picnic Spot-ah Section memberte pualin intihhlimna hun hman tum a ni a, he hun a kal tum te chuan Section hruaitute hnenah Ni 27.11.2011 ral hmain Rs 20/- pe a hming ziah luh tur a ni. Hming pe lut lo te chu kal theih a ni lovang. Member 50 tal kan tlin loh chuan hruaitute bila he hun hi hman a ni ang. Tin, he hunah hian YMA AW semtute leh mitthi buhfai khawntute tel vek turin an inhriattir bawk.(Sum hi thawh ve an ngai lovang)

Lawmthu kan sawi :- Chhiattawk thlan siam ngai an awmin vengchhunga Mistiri Association member thahnem tak an thawkchhuak thin hi T-Section YMA chuan lawmthu a sawi takzet a ni.

KHUANGCHERA

Ni 18.11.2011 (Zirtawpni) a West End Resort Lengpui a intuaitharna hun an hman tur a member kal tum te chu ni 16.11.2011 (Nilaini) aia tlai lovah Secretary H.V. Lalthavela hnenah Rs 50/- nen in report tur a ni.

Vawiin chawhma inkhawm ban hian Treasurer te inah O.B. te thutkhawm tur a ni

An Asst. Leader District Football U-16 team hruaia Mamit lama zin pawh tluang takin a rawn thleng leh ta.

Ni 17.11.2011 (Ningani) zan hian Section hruaitu zawng zawngte Leader Pu Lalrinliana te inah kal khawm tur a ni a, hruaitute kal vek tur in an in hriattir.

An member Lalmawizuala S/o Lalsangzuala Aizawl District aiawh a U-16 Football khel chu an chhuangin an lawmpui hle a a kalzelna turah duhsakna an hlan.

NEUVA

Ningani zing khan Faina hnatlang neih a ni a, thawhtan zing hian rokhawlhna a awm loh chuan hnatlang koh leh tum a ni

Section Member Intihhlimna (Outing) na a kal tumte chuan Rs 50 leh buhfai no.2 kengin hruaitu in report na tur te hnenah thehluh tur a ni.

Chhiatni Fund khawn nawn mek a ni a, Bial neituten khawn zawh

(T-Section Report chhunzawmna)

veleh Secretary hnenah thehluh tur a ni.

YMA Zawlbulk Fund Rs 37850 hmuh a ni a, Section nu leh pate chungah lawmthu an sawi.

Vengchhung chhiattawk mitthi an awmin memberte Lumen, Khawharin kal leh Thlanlaihna a kalna chang hre thar leh turin an in ngen.

An member R. Vanlalchhuangin kawppui tha tak a hmu chu an lawmpui hle.

VANAPA

Section chhungah Chhiatni Fund khawn nawn leh mek a ni a, chhungtin te tlwmngaia lo pe theuh turin an in ngen.

Section Emergency Light pahnih (2) hun rei tak chhe tawh chu Pu Jonathan F/o David Lalropuia chuan a thlawnin a siam that sak a, an lawm hle.

Sport Champion lawmna kal tumte chu Dt. 14.11.2011 hma ngei a Secretary te hnena in pe ngei turin an in hriattir nawn leh.

Ui leh Ar vulhtute, an ran vulh khuahkhirh turin an inhriattir nawn leh e.

Secretary Tv. Hmingthansanga Khawzawl lama Ranngo zawnga a zinbo chu a rawn hlawhtlin ngei an beisei.

Zirlai kum tawp exam a hnai leh tawh a, bengchheng siamlor turin mi tinte an in chah.

Dt. 15.11.2011 (Thawhlehni) zan hian committee koh tum a ni a, hruaitute hun remchang lo insiam turin an inhriattir.

An member Pi Laldinpui chu a hna (LDC) ah a ng het a, Lawngtlae lamah a awm dawn a, an lawmpui rualin an ui hle.

MHIP NEWS

Tailoring Training Centre pawh 2nd Batch atangin MHIP Building ah an awmfel tawh a, zirlai ten hma an sawn chak hle a, tha tak leh tluang taka kalzel turin MHIP Chanmari West Branch chuan duhsakna a hlan.

MHIP Headquarters atangin Executive Committee Member atan Pi Chuadilingiani leh Senior Adviser atan Pi Rintluangi ruat an ni a, Chanmari West Branch MHIP chuan kan lawmpui takzet a ni.

ZCC NEWS

- Dt. 25-26.11.2011 hian Thalfavang Kut hman turah Cheraw entir tura MCO in min tihna chu tihhawhtlin tum a in buatsaiah a ni.
 Dt. 10.11.2011 Nilaithawhtanni khan Pu Zonunsanga (Patea) President inah Dress Suk hnatiang neih a ni.

Local Council News

- NLUP Trade hrang hrang 1st Installement chu lak fel a i ta a, Trade hrang hrang ten hma an lak leh lak loh Sawrkara report turin heng mite hi ruat an ni.

Chairman : Rev B. Ropiang
 Secretary : R. Lalhmachhuana
 Members : Lalmalsawma (Sena)
 K. Lalzuithanga
 T. Ngurkhuma

- Inter Village Football leh Volleyball tournament lo awm turah sum neihsa a awm mai loh avangin vengchhung mi tlwmngai te hnena tanpuina rawn khawn a ni dawn a, tlwmngai lo pek tum theuh tura ngen kan ni e.

CWSC NEWS

- Inter Village U-17 Football December thlaa lo awm tur atan hmalak mek a ni
 CWSC leh Local Council Joint Meeting chuan U-17 Team enkawl turin heng mite hi an ruat

Coach : Tv. R. Lalrinngeta
 Asst.Coach : Pu Zonunsanga
 Manager : Pu H. Lalramhluna

- U-17 Football Tournament - a tel tum payers zawng zawng te ni 13.11.2011 (Pathianni) tlai dar 3:00 hian T.T. Hall ah kal khawm tur a ni.

Volleyball Sub Committee :-

- AWVA Winter Tournament 2011 ah Final an lut a, nimin khan Fiinal chu khelin result kan hre hman ta lo.

Tournament atana sum leh tha thawhtute zawng zawng chungah lawmthu an sawi tak meuh a ni.

Football Sub Committee :-

- Sumtuaknana sangha an zawrh leisaktu zawng zawng chungah lawmthu an sawi.

Rokhawlhna dang a awm loh chuan tunkar lo awm tur hun remchang hmasaber ah hian committee neih tum a ni a, hruaitu zawng zawnge hunawl lo insiam theuh turin an in ngen.

Enge an sawi.....

"Mizounze mawi hrang hrangte uar takainzirtirtharzelturte, kankhawtlang nuna a chhe lai siam\hat hna \hahinemngaitaka thawk turlehhnam dangten tihchhiat tuma nasa taka an beih mèk chhanturin nang, Mizonula, nangpawh Mizotlangvaliramleh hnam hian RING TAKIN a au ta che a ni".

- *Lal Chungnunga, Ex.CYMA President.*

"Khawvel a hnam ropui te hi an chanchin han zir hian an fate an tlhah kal zel te chhel turin emaw pasaltha ni tur a an chher dan kawng hi a theu neu lo thin a sin. Keini zawng broiler ar no ang no nguak leh than turin kan fate kan dah zo ta a ni ber e. Kan tuh rah chu kan la seng vek dawn a ni si a. Sorkar atanga hamthatna awm theite kan phu loh pawh dawt hmang a dawng duh mai kan tam ta lutuk te hi i sim ang u".

- *Vanlalruata, GS,CYMA*

"Mizo Kristianna tudawna tlwmngaihna luantir ai chuan, tlwmngaihna tuidawna Mizo Kristianna luantir hi a fing zawkin a rinawm".

- *Vanneihtluanga*
 Mawhphurhna thaupui thin kan ram Politician-te hi ramin a thatpui nge a chhiatpui ?

- *K.Sapdanga*

Chhuauawm

Tv.William Lalremluanga chuan National Stock Exchange Certification in Financial Market tha taka pass in RBI hnuia Security and Exchange Board of India a Bombay Stock Exchange hnuiaah member a lakluh than a ni. Mizo zinga Invest sang ber BROKER nihna nei hmasaber a ni. Editorial Board chuan kan chhuang takzet a ni.

KID'S DEN PRE SCHOOL, NURSERY DAY CARE AND AFTER SCHOOL CARE

January 2012 atanga tan turin Kid's Den-ah Admission hawn a ni ta. Naupang PSYCHOLOGY, GROWTH and DEVELOPMENT trained chhuak, B.Sc Nursing in a enkawl dawn a, Teacher te pawh Trainee mek an ni. Thla inkar danah DENTAL leh MEDICAL checkup neihnak ziah an ni bawk ang. Tin, After School Care -ah hian School Naupang Class I-VIII School banah Home Assignment leh Tuition mumal tak (Parental Care) pek an ni ang. DAY CARE (Nau awmna) tih tel bawk a ni. Zawt chiang duh tan a hnuai Address-ah hian zawhfiah theih reng a ni e.

Ph - 8794026603

A Hmun : Chaltlang Venglai,
 (4-6)

D. Lalthlengiani Building

Published and Edited by Chanmari West Branch YMA. 950 Copies

HETAH HIAN SMS LA
 >>8794162539<<

T-Sect. Leader te kawmchhak a vengdang atanga in rawn sa hi kawngpui a hnaih hle mai. Tih theih awm tawh lo mahse khawtlang a zah loh thlak hle a ni.

986203_91

ADFA Tournament khelh zawh takah Semi final-a kan veng an vanduai ta kha a pawi hle mai. A bul kan tan that loh rah leh a tlai tawh hnu a kan chet thin vang a ni. A lehpekah chuan champion ngei turin aw ni ang.

943614_04

Inter-Village Football leh Volleyball neih a ni leh dawn e. Vengchhung nu leh pate tangrual takin aw ni ang.

961215_30

Pu SKA (T-Sect) kawta insatu kha side-drain kalna turah step an dah si a, drain hi engtinne an kaltir dawn le, thuneituten an hriatpui em le.

986280_69

Veng thenkhatin mitthi lumen tukzan hi nu leh pa hun atana an hmang hi a tha ka ti khawp mai. Kan veng ah pawh hian a practise chi in ti ve lo maw..

985625_18

Section tinte in picnic hunah YMAAW semtute leh mitthi buhfai khawntute lo kaltir ve rawh u, a thlawnin.

961231_79

Hunpui kan thleng leh dawn ta a, nu leh paten kan fate a khuah in i khuahkirh tak tak teh ang u. Ngaihngam taka kan chhuah zalen lai hian engangin nge an awm kan hre mang silova.

943619_00

(SMS kan dawn te hi Ed. Bd ngaihdan a ni vek kher lo)